



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

De Processione in Festo sanctissimi Corporis Christi.

urn:nbn:de:hbz:466:1-41233

Si Processio sit longior; vel repetantur Litanie, vel, Litanis absolutis usque ad Preces exclusiue, dicantur aliqui Psalmi ex Pœnitentialibus seu Gradualibus. Hymni vero, vel Cantica letitiæ, in iis, vel in Rogationibus, aut aliis pœnitentiæ causâ institutis Processionibus, non dicantur.

Si ad unam vel plures Ecclesias in via sit divertendum, ingressis Ecclesiam, intermissisque Litanis vel Psalmis, cantatur Antiph. cum Versu & Oratione Sancti Patroni illius Ecclesiæ. Deinde egredientes, resumptis precibus, eodem ordine procedunt usque ad Ecclesiam; ubi, cum Precibus & Orationibus omnibus, Processio terminatur, ut in fine Breviarii Romani post Psalmos Pœnitentiales.

Pag. 156.

In Litanis minoribus Rogationum, seruentur omnia ut supra in Litanis maioribus.

De Processione in Festo sanctissimi Corporis Christi.

De preparatoriis ad Processionem.



Omnēs viæ & plateæ, per quas Venerabile Sacramentum portabitur, sint mundatæ, & ornatae arboribus, frondibus, floribus, gramine, aulais, aliisque ornamentis & imaginibus, non tamen profanis sed sacris.

In quatuor distinctis locis, Versus quatuor mundi plagas, Orientem, Occidentem, Meridiem & Septentrionem respicientibus, erecta sint quatuor Altaria ex ligno, cum umbellis seu tectis, pulchre ac decenter ornata, & Corporalibus mundis strata, super quibus collocari possit Monstrantia, dum quatuor Euangeliorum initia decantantur.

Deputentur principaliores aliquot viri, pro portanda umbella, sub quâ Sacerdos cum Venerabili Sacramento processionaliter ire debet.

Indui

Indui poſſunt aliquot puerorum paria, ad formam Angelorum, cum fertis in capite: quorum aliqui caniſtris deferant folia roſarum, verſus Venerabile Sacramentum quandoque in Proceſſione ſeminanda: alii cymbala portent, alii accenſas candelas, alii arma ſeu myſteria Paſſionis Domini, &c.

Quatuor, vel duo ſaltem, Diaconi parati, cantaturi quatuor Euangeliorum initia.

Sacerdos primam Miſſam celebret; in qua duas hoſtias conſecret; & ſumptâ unâ, alteram, in Tabernaculum in Proceſſione deferendam, ita reponat, ut per vitrum ſeu cryſtallum, quâ ipſum Tabernaculum circumſeptum eſſe debet, exterius adorantibus appareat; veloque operiatur donec auferatur ab Altari.

Ordo Proceſſionis.

Peracto Sacrificio, quando Proceſſio eſt inchoanda, Sacerdos, pluuiali albo indutus, ter incenſet Sacramentum genuflexus.

Deinde Diaconus oblongum ac decens velum circumponit ſcapulis Sacerdotis; qui, parte veli, ante pectus pendente, utraque manu cooperta, Oſtenſorium ſeu Tabernaculum, à Diacono ſibi porrectum, reverenter ſuſcipit in ſupremo Altaris gradu; mox ad Altare aſcendit, & Sacramentum ante faciem tenens, vertit ſe ad populum; inde descendit ſub umbellam, comitantibus Miniſtris, & duo Acoluthi vel Clerici, cum thuribus effumantibus, precedunt.

Omnes precedant nudo capite, accenſos cereos geſtantes, & ſequentes Hymnos, pro longitudine Proceſſionis, devote concinentes. Dum vero Sacerdos diſcedit ab Altari, Clerus vel Sacerdos cantare incipit Hymnum, Pange lingua, ut ſupra.

pag. 133.

Quo inchoato, Proceſſio, jam ordinata, in viam ſe dat, & progreditur hac ſerie. Confraternitates Laicorum (ſi quæ ſunt) cum ſuis vexillis, Cruce mediâ inter duo luminaria, & inſignibus; Religioſi cum ſua Cruce, aut vexillis & ornamentis Eccleſiaſticis, candelisque ardentibus; Chorus muſicus; Crux Cleri ſecularis, quam

fert Acoluthus, superpelliceo indutus, medius inter duos alios Acoluthos, luminaria ferentes: Clerus secularis, per ordinem, indutus Paramentis sacris: Pueri, vestiti ad formam Angelorum, cum cymbalis, mysteriis & armis Passionis Domini, canistrisque rosarum, bini & bini: Duo Diaconi, vel quatuor, si haberi possint: Thuriferarii duo, incensantes alternis vicibus continuè Venerabile Sacramentum; cum socio, naviculam cum incenso portante: Umbella, sub qua Sacerdos cum Venerabili Sacramento, capite nudo, incedit, medius inter duos Diaconos; si vero haberi hi non possunt, duo primarii viri id præstent, & simbrias pluvialis eundo elevent: Ab utraque umbelle parte, viri aliquot honesti, cum facibus ardentibus: Post umbellam, Cerimoniarius cum suo socio, vel duo Clerici, superpelliceis induti; pro necessitate Officiatoris & Processionis occurrente, Nobiles, secularis Magistratus, Cives, plebei, bini & bini omnes, & detectis capitibus, cum candelis vel facibus accensis. Absoluto hymno, possunt cani Psalmi aliquot, huic festo congruentes, uti, Credidi propter quod locutus sum, &c. Laudate Dominum de cælis, &c. vel Sequentia, Lauda Sion Salvatorem, &c.

Euangelium primum.

Postquam ad primum Altare perventum fuerit, Diaconus, si adsit, cum debita reverentia & genuflexione accipiet, de manu ipsius Sacerdotis stantis, SS. Sacramentum, & illud super Altare collocabit; aliàs Sacerdos ipse, deposito reverenter & thurificato Sacramento, à latere potest sedere & requiescere. Interim canitur aliquod Mottetum vel Responsorium.

Circa finem Motteti vel Responsorii &c. Diaconus

unus

unus ex quatuor defert & ponit librum ſuper Altare; Officiator benedicit & imponit interim incenſum; Diaconus vero, genuflexus ante Venerabile Sacramentum, dicit: Munda cor meum, &c. &, accepto libro, cum reverentiis debitis ante Officiatorem dicit: Iube Domne benedicere, &c. &, habita benedictione, decantat, alio Diacono librum tenente, Evangelium primum.

Verſ. Dominus vobiscum. Reſp. Et cum ſpiritu tuo. Et, ſignans librum & ſeipſum in fronte, ore, & pectore, proſequitur: Initium S. Evangelii ſecundum Matthæum. Interim dum Reſp. Gloria tibi Domine. incenſat librum triplici ductu.

Liber generationis Ieſu Chriſti, filii David, filii Abraham. Abraham genuit Iſaac: Iſaac autem genuit Iacob: Iacob autem genuit Iudam & fratres eius. Iudas autem genuit Phares & Zaram de Thamar. Phares autem genuit Eſron: Eſron autem genuit Aram: Aram autem genuit Aminadab: Aminadab autem genuit Naaſon: Naaſon autem genuit Salmon: Salmon autem genuit Booz de Rahab. Booz autem genuit Obed ex Ruth: Obed autem genuit Ieſſe: Ieſſe autem genuit David regem. David autem Rex genuit Salomonem, ex ea quæ fuit Uriæ. Salomon autem genuit Roboam: Roboam autem genuit Abiam:

Abias autem genuit Afa : Afa autem genuit Iosaphat. Iosaphat autem genuit Ioram : Ioram autem genuit Oziam : Ozias autem genuit Ioathan : Ioathan autem genuit Achaz : Achaz autem genuit Ezechiam. Ezechias autem genuit Manassen : Manasses autem genuit Amon : Amon autem genuit Iosiam : Iosias autem genuit Iechoniam & fratres ejus, in transmigracione Babylonis. Et post transmigracionem Babylonis, Iechonias genuit Salathiel : Salathiel autem genuit Zorobabel : Zorobabel autem genuit Abiud : Abiud autem genuit Eliacim : Eliacim autem genuit Azor : Azor autem genuit Sadoch : Sadoch autem genuit Achim : Achim autem genuit Eliud : Eliud autem genuit Eleazar : Eleazar autem genuit Mathan : Mathan autem genuit Iacob : Iacob autem genuit Ioseph, virum Mariæ, de qua natus est Iesus, qui vocatur Christus.

Sacerdos osculatur librum, sibi delatum, dicens :

Per Euangelica dicta deleantur nostra delicta. Amen. Et incensatur, more solito, à Diacono. Facta incensatione, cantat Officiator :

Per istos sermones sancti Euangelii, & merita ac intercessionem sancti Matthæi Apostoli & Euangelistæ, indulgeat nobis Do-

minus


minus univerſa crimina atque delicta noſtra. *Reſp.* Amen.

Vers. A fulgure & tempeſtate. *Reſp.* Libera nos Domine. *Vers.* Domine, exaudi orationem meam. *Reſp.* Et clamor meus ad te veniat. *Vers.* Dominus vobiscum. *Reſp.* Et cum ſpiritu tuo.

Oremus.

A Domo tua, quæſumus Domine, ſpiritales nequitia repellantur, & aerearum diſcedat malignitas tempeſtatum. Per Chriſtum Dominum noſtrum. *Reſp.* Amen.

Deinde ſtans Officiator, imposito thure abſque benedictione in thuribulum, genuſlectit, & thurificat Venerabile Sacramentum; reſumptoque ſuper humeros velo oblongo, Monſtrantiam à Diacono ſtante ſi adſit, genuflexus reverenter recipit; ſi minus, Sacerdos ipſe ſurgit, ad Altare aſcendit, factaque genuſflexione, Venerabile Sacramentum ante faciem ſuam tenens, vertit ſe ad populum, ac hymnum ſequentem vel ipſe vel Clerus incipit: & proceditur, ordine ſupra dicto, ad ſecundum Altare.


S Acris ſolēniis juncta ſint gaudia, Et ex

O o o 3

præ-



præcordiis sonēt præconia: Recedāt vete-



ra, nova sint omnia, corda, voces, & opera.

Noctis recolitur cæna novissima,
 Qua Christus creditur agnum & azyma
 Dedisse fratribus, juxta legitima
 Priscis indulta patribus.

Post agnum typicum, expletis epulis,
 Corpus Dominicum datum discipulis,
 Sic totum omnibus, quod totum singulis,
 Ejus fatemur manibus.

Dedit fragilibus Corporis ferculum,
 Dedit & tristibus Sanguinis poculum,
 Dicens; Accipite quod trado vasculum,
 Omnes ex eo bibite.

Sic sacrificium istud instituit,
 Cujus officium committi voluit
 Solis Presbyteris, quibus sic congruit,
 Ut fumant, & dent cæteris.

Panis angelicus fit panis hominum:
 Dat panis cælicus figuris terminum:
 O res mirabilis! manducat Dominum

Pau-

Pauper, fervus, & humilis.

Te trina Deitas unaque pofcimus ;

Sic nos tu visita, ficut te colimus :

Per tuas femitas duc nos, quò tendimus,

Ad lucem quam inhabitas. Amen.

Cum ad fecundum Altare pervenerit Proceffio, fervata eadem ferie & omnibus cerimoniais qua ad primum Altare praefcripta funt, delato per Diaconum libro, benedicto & imposito incenfo, dicto, Munda cor meum &c. habitaque benedictione, canit

Euangelium fecundum.

Vers. Dominus vobifcum. *Resp.* Et cum fpiritu tuo. *Vers.* Initium fancti Euangelii fecundum Marcum. *Resp.* Gloria tibi Domine.

Initium Euangelii Iefu Chrifti Filii Dei, ficut fcriptum eft in Ifaia Propheta : Ecce, ego mitto Angelum meum ante faciem tuam, qui praeparabit viam tuam ante te. Vox clamantis in deferto : Parate viam Domini, rectas facite femitas ejus. Fuit Ioannes in deferto, baptizans, & praedicans baptismum poenitentiae in remiffionem peccatorum. Et egrediebatur ad eum omnis Iudaeae regio, & Ierofolymitae univerfi, & baptizabantur ab illo in Iordanis flumine, confitentes peccata fua. Et erat Ioannes veftitus pilis cameli ;

cameli; & zona pellicea circa lumbos ejus: & locustas & mel silvestre edebat. Et prædicabat, dicens: Venit fortior me post me; cujus non sum dignus procumbens solvere corrigiam calceamentorum ejus. Ego baptizavi vos aqua: ille vero baptizabit vos Spiritu sancto.

Sacerdos osculatur librum, dicens, Per Evangelica dicta deleantur nostra delicta, Amen. Et incensatur. Sic etiam fit post reliqua Evangelia.

Officiator vero canit:

Per istos sermones sancti Evangelii, & merita ac intercessionem sancti Marci Evangelistæ, indulgeat nobis Dominus universa crimina atque delicta nostra. *Resp.* Amen.

Vers. A peste, fame, & bello. *Resp.* Libera nos Domine. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

Benedic, Deus omnipotens, locum istum; ut sit in eo sanitas, castitas, victoria, virtus, humilitas, bonitas & mansuetudo, plenitudo legis, & gratiarum actio Deo Patri, & Filio, & Spiritui sancto; & hæc benedictio maneat super hunc locū, & super habitantes

in

in eo, nunc & in sæcula sæculorum. *Resp.* Amen. *Reliqua sunt, sicut in fine primi Evangelii, supra.*

Pag. 477.

Officiator vero, vel Chorus, incipit sequentem hymnum; & sic proceditur ad tertium Altare.


Hymnus.



V Erbum fu per num prodiens, Nec



Patris linquens dex teram, Ad opus suum



ex i ens Venit ad vi tæ vesperam.

In mortem à discipulo

Suis tradendus æmulis,

Prius in vitæ ferculo

Se tradidit discipulis.

Quibus sub bina specie

Carnem dedit & Sanguinem;

Vt duplicis substantiæ

Totum cibaret hominem.

P p p

Se

Se nascens dedit focium,
 Convescens in edulium,
 Se moriens in pretium,
 Se regnans dat in præmium.

O salutaris hostia,
 Quæ cæli pandis ostium :
 Bella premunt hostilia,
 Da robur, fer auxilium.

Uni trinoque Domino
 Sit sempiterna gloria ;
 Qui vitam sine termino
 Nobis donet in patria. Amen.

*Apud Altare tertium omnia, ut supra, servan-
 tur. Per Diaconum tertium defertur liber, benedici-
 tur ab Officiatore & imponitur incensum, & dicto,
 Munda cor meum, &c. habitaque benedictione,
 Diaconus canit*

Euangelium tertium.

Vers. Dominus vobiscum.

Resp. Et cum spiritu tuo.

Initium S. Euangelii secundum Lucam.

Resp. Gloria tibi Domine.

Fuit, in diebus Herodis regis Iudææ, Sa-
 cerdos quidam, nomine Zacharias, de vi-
 ce Abia ; & uxor illius de filiabus Aaron, &
 nomen ejus Elisabeth. Erant autem justi am-

bo ante

bo ante Deum, incedentes in omnibus mandatis & justificationibus Domini sine querela. Et non erat illis filius, eo quod eſſet Elifabeth ſterilis, & ambo proceſſiſſent in diebus ſuis. Factum eſt autem, cum Sacerdotio fungeretur Zacharias in ordine vicis ſuæ ante Deum, ſecundum conſuetudinem Sacerdotii, ſorte exiit, ut incenſum poneret, ingreſſus in templum Domini. Et omnis multitudo populi erat orans foris horâ incenſi. Apparuit autem illi angelus Domini, ſtans à dextris Altaris incenſi. Et Zacharias turbatus eſt videns, & timor irruit ſuper eum. Ait autem ad illum Angelus: Ne timeas, Zacharia; quoniam exaudita eſt deprecatio tua: & uxor tua Elifabeth pariet tibi filium, & vocabis nomen ejus Ioannem: & erit gaudium tibi & exultatio: & multi in nativitate ejus gaudebunt. Erit enim magnus coram Domino; & vinum & ficeram non bibet: & Spiritu ſancto replebitur adhuc ex utero matris ſuæ: & multos filiorum Iſraël convertet ad Dominum Deum ipſorum. Et ipſe præcedet ante illum in ſpiritu & virtute Eliæ: ut convertat corda patrum in filios, & incredulos ad prudentiam juſtorum, parare Domino plebem perfectam.

Pag. 477.

Omnia seruentur, ut supra post primum Euangelium. Officiator canit:

Per istos sermones sancti Euangelii, & merita ac intercessionem sancti Lucae Euangelistæ, indulgeat nobis Dominus universa crimina atque delicta nostra. *Resp.* Amen.

Vers. A subitanea, improvisa, & perpetua morte. *Resp.* Libera nos Domine. *Vers.* Domine, exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

OMnipotens sempiterne Deus, qui in omni loco dominationis tuæ totus assistis, totus operaris: adesto supplicationibus nostris; & huius loci, cujus es fundator, esto protector; ut nulla in eo nequitia contrarietatis obfistat, sed, virtute Spiritus sancti cooperante, fiat hic tibi semper purum gratumque servitium, & devota voluntas. Per Christum Dominum nostrum.

Resp. Amen.

Oremus.

Visita, quæsumus Domine, locum istum, & omnes infidias inimicorum ab eo longe repelle; & Angeli tui sancti habitent in eo, qui eum in pace custodiant; & benedi-


ctio

Etio tua sit semper super eum. Per Christum
Dominum nostrum. Resp. Amen.

Finita Oratione, fiunt ea, qua superius post primum Pag. 477.
Euangelium. Inchoatur sequens Hymnus; & procedi-
tur ad quartum Altare.

Hymnus.


S A lu tis hu manæ Sa tor, Ie su, vo-


luptas cor dium, Orbis redempti Con-


ditor, Et casta lux a mantium.

Quâ victus es clementiâ,

Vt nostra ferres crimina,

Mortem subires innocens,

A morte nos ut tolleres?

Perrumpis infernum chaos;

Vinctis catenas detrahis;

Victor triumpho nobili

Ad dexteram Patris sedes.

Te cogat Indulgentia
 Ut damna nostra sarcias,
 Tuique vultus compotes
 Dites beato lumine.
 Tu dux ad astra, & semita ;
 Sis meta nostris cordibus,
 Sis lachrymarum gaudium,
 Sis dulce vitæ præmium. Amen.

Servatis servandis, ut supra, ac delato libro, benedicto incenso, & dicto, Munda cor meum, &c. per quartum Diaconum, habitaque benedictione, is ipse cantat

Euangelium quartum.

Vers. Dominus vobiscum. *Resp.* Et cum spiritu tuo. Initium sancti Euangelii secundum Ioannem. *Resp.* Gloria &c.

IN principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil. Quod factum est, in ipso vita erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine, ut omnes
 crede-

crederent per illum. Non erat ille lux, ſed ut
 teſtimonium perhiberet de lumine. Erat lux
 vera, quæ illuminat omnem hominem ve-
 nientem in hunc mundum. In mundo erat,
 & mundus per ipſum factus eſt, & mundus
 eum non cognovit. In propria venit, & ſui
 eum non receperunt. Quotquot autem re-
 ceperunt eum, dedit eis poteſtatem filios
 Dei fieri, his qui credunt in nomine ejus.
 Qui non ex ſanguinibus, neque ex volunta-
 te carnis, neque ex voluntate viri, ſed ex
 Deo nati ſunt. ET VERBUM CARO FA-
 CTVM EST, ET HABITAVIT IN NOBIS.
 Et vidimus gloriam ejus, gloriam quaſi uni-
 geniti à Patre, plenum gratiæ & veritatis.

Hic ge-
 nuſe-
 ciat.

*Reliqua omnia ſunt, ut ſupra. Officiator vero ca-
 nit: Per iſtos ſermones ſancti Euangelii, &
 merita ac interceſſionem S. Ioannis Apoſtoli
 & Euangeliftæ, indulgeat nobis Domi-
 nus univerſa crimina atque delicta noſtra.
 Reſp. Amen.*

*Verſ. Ab omni malo. Reſp. Libera nos Do-
 mine. Verſ. Domine exaudi &c. Reſp. Et cla-
 mor meus ad te veniat. Verſ. Dominus vobis-
 cum. Reſp. Et cum ſpiritu tuo. Oremus.*

Cæleſti benedictione benedicatur, cu-
 ſtodiat, ac conſervetur locus iſte, & in

eo habitantes, agri quoque & terræ fructus;
in nomine Patris, & Filii, & Spiritus sancti.
Resp. Amen.

Oremus.

OMnipotens sempiterne Deus, qui das
escam omni carni; qui operis cælum
nubibus, & paras terræ pluviã, & januas
cæli aperis; qui transfers Austrum de cælo,
& inducis in virtute tua Africum; qui rigas
montes de superioribus suis, & de fructu
operum tuorum satiabitur terra; qui Angelo
præcepisti, ut terræ, mari, & arboribus non
noceret: parce metuentibus, & propitiare
supplicantibus. Te etenim, Domine, suppli-
ces exoramus, ut procul abscedat incurfio
turbinum, calamitas tempestatum, fragor
grandinum, percussio fulminum, & quælibet
insidiæ inimici temperentur, infesta toni-
trua, noxiæque pluvix, & ventorum flamina
fiant moderate suspensa, omnis quoque spi-
ritus procellarum & aëreæ tempestates dex-
terâ tuæ virtutis prosternantur. Descendat,
quæsumus Domine, desuper Spiritus san-
ctus, ut, fugatis omnibus contrariæ potesta-
tis virtutibus, fruges manus servet Angeli-
ca, &, post sopitos nubium impetus, in lau-
dum & devotionum spiritualium augmen-

tum

tum transeat comminatio tempestatis. Qui vivis & regnas Deus, per omnia sæcula sæculorum. *Resp.* Amen.

Finita Oratione, Sacerdos, thurificato, ut supra, Venerabili Sacramento, & superimposito humeris velo, surgit, ad altare ascendit, factaque solita genuflexione, & acceptâ Monstrantiâ, stans, versus quatuor mundi plagas cantat, ac simul benedicit, dicens; versus Orientem: A fulgure ✠ & tempestate. Resp. Libera nos Domine. versus Meridiem: A peste, fame ✠, & bello. Resp. Libera nos Domine. versus Occidentem: A subitanea, improvisa ✠ & perpetua morte. Resp. Libera nos Domine. versus Septentrionem: Ab omni malo. Resp. Libera nos Domine. Deinde statim incipitur sequens Hymnus; & Processio progreditur usque ad Ecclesiam & Altare majus.

Hymnus.

A Ter ne Rex altissime, Redemptor
& fi de lium, Cui mors perempta de-
Q q q tulit



tulit Summæ triumphum gloriæ.

Ascendis orbis siderum ,
 Quo te vocabat, cælitus
 Collata, non humanitus ,
 Rerum potestas omnium.

Vt trina rerum machina
 Cælestium, terrestrium ,
 Et inferorum condita
 Flectat genu jam subdita.

Tremunt videntes Angeli
 Versam vicem mortalium :
 Peccat caro, mundat caro ,
 Regnat Deus, Dei caro.

Sis ipse nostrum gaudium ,
 Manens Olympo præmium ,
 Mundi regis qui fabricam ,
 Mundana vincens gaudia.

Hinc te precantes quæsumus ,
 Ignosce culpis omnibus ,
 Et corda sursum subleva ,
 Ad te supernâ gratiâ.

Vt cum repente cœperis
 Clarere nube iudicis ,
 Poenas repellas debitas ,

Red-

Reddas coronas perditas.

I E S V , tibi fit gloria ,

Qui victor in cælum redis ,

Cum Patre & almo Spiritu ,

In fempiterna fæcula. Amen.

Peracta Proceffione, & Sanctiffimo Sacramento ad Ecclefiam reportato ac fuper Altare deposito, omnes Ecclefiaftici, qui adfunt, hinc inde ordine genuflexi, illud reverenter adorantes, dum Sacerdos de more incenfat, fequentem Hymni partem concinant:

Tantum ergo Sacramentum

Veneremur cernui :

Et antiquum documentum

Novo cedat ritui ;

Præftet fides supplementum

Sensuum defectui.

Genitori Genitoque

Laus & jubilatio ,

Salus, honor, virtus quoque

Sit, & benedictio.

Procedenti ab utroque

Compar fit laudatio. Amen.

Postea duo Clerici dicant Verf. Panem de cælo præstitisti eis, Alleluja. Resp. Omne delectamentum in fe habentem, Alleluja.

Deinde Sacerdos ftans dicit Verf. Dominus vobifcum. Resp. Et cum fpiritu tuo.

Oremus.

DEus, qui nobis, sub Sacramento mirabili, Passionis tuæ memoriam reliquisti: tribue quæsumus, ita nos Corporis & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas per omnia sæcula sæculorum. *Resp. Amen.*

Tunc Sacerdos, facta genuflexione, cum Sacramento semel (nisi sit Prælatus, insignibus Pontificalibus utens,) benedicat populum in modum Crucis, nihil dicens: postea illud reverenter reponat.

Hic autem modus benedicendi servatur etiam in aliis Processionibus, faciendis cum sanctissimo Sacramento.

O R D O,

servandus in Die animarum, in Ecclesiis Parochialibus.



N die animarum, mane, hora competenti, fit exhortatio pro meditatione mortis, de suffragiis pro mortuis faciendis, eorumque utilitate, &c. deinde instituitur Processio per Ecclesiam totam & Cæmeterium; cantantur Responsoria primi & tertii Nocturni Officii Defunctorum,